

**SESSIONI URDINARIA DI U 2025**

**RIUNIONE DI U 9 D'APRILI DI U 2025**

**N° 2025 / M4 / 09**

**QUISTIONI URALI DIPUSITATA DA BAPTISTE LEANDRI PÀ U GRUPPU  
« SCELTA PATRIOTTA »**

**Ughjettu : Luttà contr'à soprafrquentazione in Bavedda**

Sgiò Presidente di l'Uffiziu di l'Ambiente di a Corsica

L'istatina s'avvicina, è comu in parechji lochi muntagnoli corsi, sarà prisu d'assaltu da a soprafrquentazione Bavedda.

Ùn pudemu amminurì u so impattu annant'à l'ambienti è l'abitanti di sti lochi. Più d'un milione di turisti passani in Bavedda à long'à l'annu.

A nome di a priservazione di l'ambiente è di a sicurezza, misuri so stati aduprati : stangaghji pà impedisce i vitturi à parchighjà si, appartura d'un'ingaratoghju novu, missa in piazza d'una navetta, chjusura di l'accessu à a Purcaraccia, u Pulisheddu è la Vacca senza l'accompagnamentu di i prufeziunali.

Mà di disgrazia ùn sò micca stati bastanti, è vissuti da certi paisani cum'è un'inghjustizia. L'animali è a fiora sò oghje più chè mai minciati, l'arghjettu è i mufri, animali imblematici di sti forchi ni sò oghje i fughjaschi.

Aldilà di u scumpiente chi riprasente a soprafrquentazione pà st'ambiente, si pone dinò un prublema pà i rucchisgiani stessi. I sò paisani ùn hani più accessu à parcatoghji è à certi fiumi duva sò sempri stati, chì

sò oghje riservati solu à i professionali di u turisimu, canyoning principalmenti.

Comu pudemu oghje accittà chì i cumunità paisani è a biudiversità sichini cussì sacrificati solu pà u prufittu ecunomicu d'unipochi ?

Comu pudemu accittà d'un pinsà micca d'un antra manera u sviluppu ecunomicu'lla Corsica ?

Comu puderemu fà in sorte chi u riscaldamentu climaticu è i crisi ambientali siani di piu prisi in contu in i misuri è dunqua pruteghja i nosci lochi è mantena a noscia cuisioni siciali è culturali ?

Hè in stu sensu chi v'andate a me dumanda chi hè doppia :

Comu pudete fà campà un ecunomia perenni in Bavedda luttendu sempre contr'à a sopraffrequentazione è senza metta in priculu a noscia biudiversità o i dritti di u nosciu populu ? È comu addattà sti misuri lachendu à i paisani un accessu à i so lochi ?

Arringrazià vi.